

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA SITA

KIKAO CHA TISA

13 SEPTEMBER, 2019



ORODHA YA SHUGHULI ZA LEO

MKUTANO WA KUMI NA SITA

KIKAO CHA TISA – TAREHE 13 SEPTEMBER, 2019

I. DUA:

II. HATI ZA KUWASILISHA MEZANI:

MWENYEKITI WA KAMATI YA KUDUMU YA BUNGE YA SHERIA NDOGO:

Taarifa ya Kamati ya Kudumu ya Bunge ya Sheria Ndogo kuhusu Uchambuzi wa Sheria Ndogo zilizowasilishwa Katika Mkutano wa Kumi na Nne na Mkutano wa Kumi na Tano wa Bunge.

III. MASWALI:

OFISI YA RAIS (TAMISEMI):

108. MHESHIMIWA LOLESIA JEREMIAH
BUKWIMBA (BUSANDA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Katika Halmashauri ya Wilaya ya Geita kuna upungufu mkubwa wa Watumishi wa Sekta ya Afya:-

Je, Serikali ina mpango gani wa kutatua tatizo hilo.

109. MHESHIMIWA BUPE NELSON MWAKANG'ATA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mkoa wa Rukwa una Wilaya nne na hakuna Hospitali ya Wilaya:-

Je, ni lini Serikali itajenga Hospitali za Wilaya katika Wilaya hizo.

110. MHESHIMIWA MARTHA JACHI UMBULLA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mwaka 2012 Mahakama ilitoa hukumu kuwa Wakulima na Wafugaji wote waondoke ndani ya Hifadhi ya Jamii ya Emborley Murtangos iliyoko Wilayani Kiteto lakini baadhi ya Wananchi walipinga amri hiyo na kuendelea kufanya shughuli zao na kusababisha mgogoro baina ya Wakulima na Wafugaji:-

- (a) Je, Serikali imeshughulikia kwa kiasi gani mgogoro huo uliodumu kwa miaka 8;
- (b) Je, Serikali ilichukua hatua gani kuwadhibiti na kuwaadhibu waliokiuka amri hiyo;
- (c) Je, nini kauli ya Serikali juu ya matumizi ya Hifadhi hiyo ili kumaliza mgogoro huo.

**111. MHESHIMIWA MOHAMED OMAR
MCHENGERWA (RUFJI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Katika bajeti ya Mwaka wa Fedha 2016/2017 Serikali iliahidi kujenga kiwanda cha sukari katika Jimbo la Rufiji, hata hivyo ardhi iliyokusudiwa kujengwa kiwanda hicho kwa sasa amepewa mwekezaji ambaye hana nia ya kujenga kiwanda hicho:-

Je, ni lini Serikali itaamua kutumia Sheria ya Ardhi Na. 113 na 114 kuichukua ardhi hiyo kutoka kwa mwekezaji na kuyapa mashirika ya umma ili kujenga Kiwanda cha Sukari Rufiji.

**OFISI YA MAKAMU RAIS (MUUNGANO NA
MAZINGIRA):**

**112. MHESHIMIWA MAULID SAID MTULIA
(KINONDONI):**

Atamuuliza Mheshimiwa Waziri wa Nchi, Ofisi ya Makamu Rais (Muungano na Mazingira):-

Je, ni lini Serikali itajenga Mto Msimbazi.

113. MHESHIMIWA JUMA KOMBO HAMAD (WINGWI):

Atamuuliza Mheshimiwa Waziri wa Nchi, Ofisi ya Makamu Rais (Muungano na Mazingira):- Zanzibar inategemea sana biashara katika kuendeleza uchumi wake; na uvuvi wa Bahari Kuu unaweza kukwamua uchumi wa Zanzibar, na kwa sababu suala la Bahari Kuu ni jambo la Muungano:-

Je, Serikali haioni ni busara sasa kuondoa suala hilo kwenye orodha ya mambo ya Muungano ili kuisadia Zanzibar kujiendesha yenyewe na kuweza kusaidia uchumi wa Zanzibar.

WIZARA YA MAMBO YA NDANI YA NCHI:

114. MHESHIMIWA NAJMA MURTAZA GIGA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Utaratibu wa kuwaweka pamoja watuhumiwa wenye makosa tofauti kama vile; wizi wa kuku/mazao, mauaji, ujambazi sugu na ubakaji ni utaratibu wa kawaida katika magereza na mahabusu zetu hapa nchini, hali kadhalika kwa wafungwa wenye rika tofauti:-

(a) Je, Serikali haioni kuwaweka pamoja wafungwa na watuhumiwa hao ni hali

hatarishi kwa mustakabali wa maisha yao ya baadae;

(b) Je, Serikali haioni inapoteza nguvu kazi ya vijana wetu kwa kuwachanganya pamoja na wale wabakaji hususan vijana kuanzia umri wa miaka 18 hadi 30.

WIZARA YA AFYA, MAENDELEO YA JAMII, JINSIA, WAZEE NA WATOTO:

115. MHESHIMIWA MARIAM NASORO KISANGI (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-
● Hospitali za Amana, Mwananyamala ● na Temeke hazina mashine za kufulia nguo:-

Je, Serikali ina mpango gani wa kupeleka mashine za kufulia katika Hospitali hizo.

WIZARA YA HABARI, UTAMADUNI, SANAA NA MICHEZO:

116. MHESHIMIWA DEVOTHA MATHEW MINJA (VITI MAALUM):

Atamuuliza Mheshimiwa Waziri wa Habari, Utamaduni, Sanaa na Michezo:- Timu ya soka ya Taifa ya Wanawake (Twigwa Stars) imefanya

vizuri na kuliletea Taifa heshima miaka iliyopita na hivi karibuni:-

Je, ni upi mkakati wa Serikali wa kuhamasisha soka kwa Wanawake katika ngazi za Wilaya na Mikoa kuwa na timu za soka za Wanawake kama ilivyo kwa Wanaume.

WIZARA YA UJENZI, UCHUKUZI NA MAWASILIANO:

117. MHESHIMIWA DAIMU IDDI MPAKATE (TUNDURU KUSINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Jimbo la Tunduru Kusini limepakana na Msumbiji kupitia Mto Ruvuma kuanzia mpaka wa Wilaya ya Nanyumbu na Wilaya ya Namtumbo:-

Je, Serikali ina mpango gani wa kufufua barabara ya Ulinzi inayounganisha Mikoa yote ya Kusini yaani Mtwara na Ruvuma.

118. MHESHIMIWA PASCAL YOHANA HAONGA (MBOZI):

Atamuuliza Mheshimiwa Waziri wa Ujenzi, Uchukuzi na Mawasiliano:- Wilaya ya Mbozi ambayo ni Makao Makuu ya Mkoa wa Songwe inapakana na Wilaya ya Songwe; Wilaya hizi

mbili hazijaunganishwa kwa barabara hivyo Wananchi wanaotoka Wilaya ya Songwe kwenda Makao Makuu ya Mkoa hulazimika kupitia Mkoa wa Mbeya:-

(a) Je, ni lini Serikali itatengeneza barabara ya changarawe kutoka Kata ya Magamba ambayo ipo Wilaya ya Songwe kupitia Kata ya Magamba ambayo ipo Mbozi;

(b) Kata za Magamba, Itumpi, Bara, Itaka na Halungu hazina vivuko na madaraja hali inayosababisha usumbufu kwa Wananchi; Je, ni lini Serikali itajenga vivuko katika Kata hizo.

WIZARA YA VIWANDA NA BIASHARA:

119. MHESHIMIWA ABDALLAH DADI CHIKOTA (NANYAMBA):

Atamuuliza Mheshimiwa Waziri wa Viwanda na Biashara:-

(a) Je, Viwanda vilivyopo nchini vina uwezo wa kubangua korosho kiasi gani;

(b) Je, ni nini mpango wa Serikali katika kuongeza ubanguaji wa korosho.

WIZARA YA FEDHA NA MIPANGO:

120. MHESHIMIWA TUNZA ISSA MALAPO (VITI MAALUM):

Atamuuliza Mheshimiwa Waziri wa Fedha na Mipango:-

Je, ni Watumishi wangapi wanahitajika na Mamlaka ya Mapato Tanzania (TRA) ili Mamlaka hiyo iweze kufanya kazi zake kwa ufanisi.

121. MHESHIMIWA LUCY SIMON MAGERELI (VITI MAALUM):

Atamuuliza Mheshimiwa Waziri wa Fedha na Mipango:- Mwaka 2018 Serikali ilipitisha Sheria ya Udhhibiti ya Taasisi ndogo za fedha SACCOS, VICOBA, Vikundi vya kuchangishana na kukopeshana, vyote vipate usajili na kusimamiwa na Benki Kuu ya Tanzania:-

- (a) Je, zoezi hili limeshatekelezwa kwa asilimia ngapi na ni Taasisi ngapi zimesajiliwa;
- (b) Je, Serikali haioni kuwa zoezi hili ni “*over – regulation*” na kuwanyima fursa ambayo imekuwa ikiwasaidia wakopaji na wakopeshaji wadogo kusaidiana katika jamii zao.

WIZARA YA ELIMU, SAYANSI NA TEKNOLOJIA:

122. MHESHIMIWA AUGUSTINE VUMA HOLLE (KASULU VIJIJINI):

Atamuuliza Mheshimiwa Waziri wa Elimu, Sayansi na Teknolojia:- *World Vision* wamejenga Chuo cha Ufundi katika Kata ya Nyamidaho na kukikabidhi kwa Halmashauri ya Kasulu DC:-

Je, kwa nini Serikali isimalizie ujenzi wa miundombinu midogomidogo na hatimaye kukifanya kuwa Chuo cha Ufundi cha Serikali.

WIZARA YA MADINI:

123. MHESHIMIWA MUSUKUMA JOSEPH KASHEKU (GEITA):

Atamuuliza Mheshimiwa Waziri wa Madini:-

Je, ni kwa nini mgodi wa GGM umegoma kulipa deni la Halmashauri ya Geita la Dola za Kimarekani 800,000.

IV. HOJA ZA KAMATI:

MWENYEKITI WA KAMATI YA KUDUMU YA BUNGE YA SHERIA NDOGO:

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Sheria Ndogo kuhusu Uchambuzi wa Sheria Ndogo zilizowasilishwa Katika Mkutano wa Kumi na Nne na Mkutano wa Kumi na Tano wa Bunge.

V. TAARIFA YA KATIBU WA BUNGE:

VI. HOJA YA KUAHIRISHA BUNGE:

WAZIRI MKUU.

VII. WIMBO WA TAIFA

**DODOMA
13 SEPTEMBER, 2019**

**S. KAGAIGAI
KATIBU WA BUNGE**